



Međunarodni sud za krivično gonjenje  
osoba odgovornih za teška kršenja  
međunarodnog humanitarnog prava  
počinjena na teritoriji bivše  
Jugoslavije od 1991. godine

Predmet br. IT-08-91-PT  
Datum: 12. novembar 2008.  
Original: engleski

**PRED PRETRESNIM VIJEĆEM II**

**U sastavu:** sudija O-Gon Kwon, predsjedavajući  
sudija Kimberly Prost  
sudija Ole Bjørn Støle

**Sekretar:** g. Hans Holthuis

**Odluka od:** 12. novembra 2008.

**TUŽILAC**

**protiv**

**MIĆE STANIŠIĆA  
STOJANA ŽUPLJANINA**

*JAVNO*

**NALOG KOJIM SE ZAKAZUJE STATUSNA KONFERENCIJA I DALJNJE  
STUPANJE PRED SUD**

**Tužilaštvo:**

g. Thomas Hannis

**Obrana:**

g. Slobodan Zečević i g. Slobodan Cvijetić za Miću Stanišića  
g. Tomislav Višnjić i g. Igor Pantelić za Stojana Župljanina

**Ja**, sudija Ole Bjørn Støle, sudija Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

**IMAJUĆI U VIDU** Nalog Pretresnog vijeća II od 23. juna 2008., kojim sam imenovan za pretpretresnog sudiju u predmetu *Tužilac protiv Stojana Župljanina* i Nalog Pretresnog vijeća II od 11. jula 2008., kojim sam imenovan za pretpretresnog sudiju u predmetu *Tužilac protiv Miće Stanišića*;

**IMAJUĆI U VIDU** "Odluku po zahtjevu tužilaštva za spajanje sudskih postupaka i za odobrenje da objedini i izmijeni i dopuni optužnice" (dalje u tekstu: Odluka o spajanju postupaka), koju je 23. septembra 2008. izdalo Pretresno vijeće II, kojom je naloženo spajanje postupaka u predmetu *Tužilac protiv Miće Stanišića* i predmetu *Tužilac protiv Stojana Župljanina*;

**IMAJUĆI U VIDU** da je Odlukom o spajanju postupaka takođe djelimično odobren "Zahtjev tužilaštva za spajanje postupaka i za odobrenje da objedini i izmijeni optužnice, s povjerljivim dodacima", koji je 16. jula 2008. podnijelo Tužilaštvo (dalje u tekstu: tužilac) i u kojoj je konstatovano da neke od izmjena koje predlaže tužilac predstavljaju nove optužbe i naloženo da se, u skladu s pravilom 50(B) Pravilnika, Mići Stanišiću i Stojanu Župljaninu pruži mogućnost da se blagovremeno izjasne o krivici po novim optužbama tokom daljnjeg stupanja pred Sud;

**IMAJUĆI U VIDU** da je tužilac 29. septembra 2008. dostavio Objedinjenu optužnicu protiv Miće Stanišića i Stojana Župljanina u skladu s nalogom Pretresnog vijeća II u Odluci o spajanju postupaka;

**UZIMAJUĆI U OBZIR** da Objedinjena optužnica sadrži nove optužbe protiv Miće Stanišića i Stojana Župljanina i da se, u skladu s pravilima 50(B) i 62, daljnje stupanje pred Sud održi što je ranije moguće kako bi im se omogućilo da se izjasne o krivici po novim optužbama;

**UZIMAJUĆI U OBZIR** nadalje da pravilo 65**bis** Pravilnika o postupku i dokazima (dalje u tekstu: Pravilnik) nalaže pretresnom vijeću ili sudiji pretresnog vijeća da u roku od sto dvadeset dana poslije posljednje statusne konferencije organizuju konsultacije među stranama

u postupku kako bi se osigurala ekspeditivna priprema suđenja, da bi se ustanovilo stanje u predmetu i optuženom omogućilo da pokrene pitanja u vezi sa predmetom;

**UZIMAJUĆI U OBZIR** da je daljnje stupanje pred Sud Stojana Župljanina održano 21. jula 2008. i da bi se, na osnovu pravila *65bis*, statusna konferencija u ovom predmetu trebala održati 19. novembra 2008. ili prije tog datuma;

Međutim, **UZIMAJUĆI U OBZIR** da su se branioci Stojana Župljanina složili da se statusna konferencija održi 20. novembra 2008.;

**IMAJUĆI U VIDU** da je optuženi Mićo Stanišić privremeno pušten na slobodu u Republiku Srbiju na osnovu pravila 65 Pravilnika;<sup>1</sup>

**UZIMAJUĆI U OBZIR** da, na osnovu pravila *81bis*, sudija ili vijeće mogu naložiti, ako je to u skladu s interesima pravde, da se postupak vodi putem video-konferencijske veze;

**UZIMAJUĆI U OBZIR** pristanak Miće Stanišića da se izjasni o krivici putem video-konferencijske veze i da je u sadašnjim okolnostima u interesu pravde da se postupak vodi putem video-konferencijske veze;

Iz gorenavedenih razloga i na osnovu pravila 50(B), 62, 65, *65ter* i *81bis* Pravilnika

**OVIM NALAŽEM** sljedeće:

- (A) Statusna konferencija i daljnje stupanje pred Sud kako bi se svakom od optuženih omogućilo da se izjasni o krivici po novim optužbama u Objedinjenoj optužnici održaće se u četvrtak, 20. novembra 2008. u 15:00 sati u sudnici koju odredi Sekretarijat;
- (B) Sekretarijat će preduzeti sve potrebne mjere da omogući optuženom Mići Stanišiću izjašnjavaње o krivici putem video-konferencijske veze sa odgovarajuće lokacije u Beogradu, Republika Srbija.

---

<sup>1</sup> *Tužilac protiv Miće Stanišića*, predmet br. IT-04-79-PT, "Nalog kojim se ponovo odobrava privremeno puštanje na slobodu", 10. juli 2008.

Sastavljeno na engleskom i francuskom jeziku, pri čemu je engleska verzija mjerodavna.

Dana 12. novembra 2008.  
U Haagu,  
Nizozemska

/potpis na originalu/  
sudija Ole Bjørn Støle,  
pretpretresni sudija

**[pečat Međunarodnog suda]**